

ERKULES'EN AMABI LANAK (Erroma)

Antxiñako Grezia'n gizonik ospetsuena Erkules Jupiter'en semea zan, indartsua ta kementsua zalako.

Arerio aundi bat euki eban bizitza guztian, Juno, Jupiter'en emaztea. Onek ezin eban begi onez ikusi Erkules Alemanen Jupiter'en lenengo emaztearen semea zalako.

Erkules umea zala suge bi bialdu eutsozan seaska'ra Juno'k, baiña Erkules'ek, umea izan arren, bere eskutxu-akaz ito egin eban sugea.

Erkules gizon egin zanean zoratu egin eban Juno'k eta zoroaldi orretan bere umeak il ebazan. Ez eban okerkeri geiago egin Minarba'k loaldia emon eutsolako, zoroaldia osatu-arte.

Osatu zanean Erkules prest egoan egindako kalteak ordaintzeko, baiña Argos'ko erregea zan Euristeo bere anai-ordeak esaten eutson guztia egiten eban Erkules'ek. Ez ekian Euristeo ta Juno biak bat eginda bere aurka egozanik. Bien artean aukeratu ebezan amabi lan gatak Erkules'entzat.

1.º LANA: NEMEA'KO LEOIA ERAIL

Lan ori agindu euetsoean, eldu zan Nemea'ko zelaira eta agertu zanerako eraso eutson leoiari gezi zorrotz bat jaurtiaz, baiña geziak ez eban zulatu leoiaren narrua. Orduan atzamarrakaz samatik eldu eta ito egin eban.

2N. LANA: ARGOS'KO LERMA'N ERENSUGEA ERAIL

Lerma'ko lurralde zingiratsuan bederatzi buruko erensuge bat egoan eta ango biztanleak bildurrez bizi ziran. Euristeo'k erensuge ori ilteko agindua emon eutson Erkules'eri.

Kementsu joan zan Erkules Erensugearen billa eta onek bere kobazulotik urten ebanean Erkules'ek buru bat ebagi eutson, baiña arrituta ikusi eban beste buru bi sortu jakozanela. Eta bederatzigarren burua illezkorra zala ikusi eban. Orduan, koba-zuloaren aurrean suga-riak batu ebazan eta onei sua emon eta erre ebazan buru barriak. Gero artu eban arri aundi bat eskuetan eta bederatzigarren buru-gaiñera bota eutson. An dago arri aundiaren azpian erensugea betiko.

3N.LANA: URREZKO ADARDUN BASAUNTZAREN JABE EGIN

Urtebete egin bear izan eban Erkules'ek urrezko adarduna zan basauntza aurkitzeko , baiña onek buztinëzko anka bizkorak eukazan eta beti iges egiten eutson.

Alako baten jo eban geziategaz eta ez eban bide asko geiago egin.

Artu eban lepoan basauntz eder ori eta eroan eban Euristos erregearen aurrera.

4N. LANA: ARKADIA'KO MENDIAN BASURDEA ARRAPAU

Arkadia'ko Erimanto mendian basurde aundi bat ebillen eta au arrapatzera bialdu eban Erkules Euristeo erregeak.

Ez zan bildurtu Erkules goietako edurrak ikusi-arren, basurdearen oñatzai jarraitu eutsen, eta urreratu zanean, basurdeak eraso egin eutson baiña Erkules'ek orretarako eroain sare bat bota eutson gaiñera eta orrelan bizirik arrapau eban basurdea eta, sare ta guzti, bizkarrean artuta, erregearengana eroan eban.

5N. LANA:AUIJAS'KO ERREGEAREN KORTAK GARBITZEA

Ogeta amar urtean egozan azpiak atera barik Auijas'ko erregearen kortak. Iru milla abare batzen ziran korta orretan. Korta ori garbitzeko lana emon eutson Erkules'eri Euristo erregeak..

Ingurutik igaroten ziran ibai bitako urak atera ebazan Erkules'ek euren bidetik eta korta aretara bideratu., orretarako bere indar aundiagaz arri sendoak alboetan ipiñita. Ur areik garbitu eben Auijas'en kortea.

6N. LANA: ESTIUPALE'KO EGAZTI GIZA-JALEAK

Estiupale izeneko zingira baten bizi ziran giza-aragi jale gogotsuak ziran egaztitzar batzuk. Eta orreik iltera bialdu eban erregeak Erkules.

Minerba'k emondako dunba batzukaz botaten ebazan egaztitzarrak baiña azkenean geziakaz zaurituta boten ebazan.

7N. LANA: KRETA'KO ZEZEN GAIZTOA ARRAPAU

Zezena oso ederra eta indartsua zan. Minos Kreta'ko erregeari emon eutson Neptuno'k opari lez eskintzeko, baiña Minos erregeak ain ederra zala ikusi ebanean ez eban biotzik izan ilteko.

Neptuno'k zezena bizirik ikusi ebanean asarre aundia artu eban eta zezen ori basati biurtu eban, ugarte aretako zigorra izan zedin..

Erkules'eri eskuratu eutson Euristos erregeak arazo au be.

KONDAIRAK

Alegin asko egin-ondoren eskuratu eban Erkules'ek pizti ori eta bizkarrean eroan eutson Euristeo'ri.

8N. LANA:TRAZIA'KO ERREGE DIOMEDES'EN BEORRAK

Trazia'ko errege zan Diomedes'en beorrak ekartera bialdu eben urrengo.

Diomedes'ek bere beorrai giza-aragia emon eutsen jaten eta basati bi urtu jakozan.

Erkules'ek eskuratu ebazan beorrak eta eskutik eroi-azan, baiña atzetik zaldi askoren zaratea entzun eban. Begiratu eban eta Diomedes bera zan, gudari-talde bategaz. Bakarra izan arren guztien aurka guda egin eban Erkules'ek eta, erregea il-ondoren, irabazi egin eban.

Askatu ebazan beorrak eta erregearen aragia emon eutsen jateko. Jan eben, eta arrezkero gizakien laguntzaille izan ziran.

9N.LANA: IPOLITA MARIGIZONEN ERREGIÑEAREN GARRIKOA

Ipolita marigizonen erregiñea zan eta Marte'k esku-erakutsi lez, indar aundiko garriko bat emon eutson eta garriko ori ekartera bialdu eban Euristos'ek Kapadozia'ra Erkules.

Emakumeak ziran an nagusi eta gogorkeriz menperatzen enbezan gizonak. Emakumeak oso ausartak ziran eta gudarako be gertatzen ziran. Ez zan ba lan erreza Kapadozia'ra joan eta garriko indartsua arei kentzea.

Ipolita'k arrera oso ona egin eutson eta egun zoragarriak igaro ebezan. Eta Erkules'ek alde egiteko asmoa agertu ebanean, garriko miragarria eskiñi eutson Ipolita'k oroigarri lez.

Baiña Juno ez egoan lo eta asarrean jarraitzen eban eta bastarrak nastau ebazan Erkules'ek bidea galdi egian. Orretarako Juno'k marigizonen antza artu eban eta bertakoai esan eutsen Erkules'ek Ipolita erregiñea gogorkeriz eroiala. Juno'k berotu eban bertako jentea eta batu ziran Erkules'en ontzi-inguruan, eraso egin eta ontziaren jabe egin ziran. Erkules'ek uste izan eban Ipolitak iruzur egin eutsola eta il egin eban erregiñea, kendu garrikoa eta Argos lurraldera biurtu zan garrikoa eskuratuta.

10N.LANA: JERION GIZAUNDIARI IDIAK KENTZEA

Eutia'ko ugartera bialdu eben Erkules Jerion gizaundiaren idiak eskuratu eta ekartera.

Itxasoz egin eban ibillaldi aundi bat Eutia'ko ugartera eltzeko. An bizi zan gizaundia burubiko txakur bat lagun ebal, bere abere-taldea zaintzen..

Erkules'ek, lurreratu zanean aitz aundi bi ipiñi ebazan zutunik, ondorengoai araiño eldu zala gogortzeko. Antxiña Erkules'en arriak esaten eutsenai, gaur Jibaltar'eko itxas estua esaten dautsee.

Gizandia menperatzeko burruka gogorra egin bear izan eban Erkules'ek, burubiko txakurra il-ondoren, baiña idirik onenak artu ebazan eta biurtu zan Euristeo erregearen lurraldera.

11N.LANA: ESPERITARREN URREZKO SAGARRAK EKARRI

Esperitarren lorategi baten urrezko sagarrak egozan baiña mamu txar batek zaintzen eban lorategia. Eta lorategi orretara sartzeko bidea zeru sabaia bizkar-gaiñen eukan Atlas gizandiak baiño ez ekian.. Zelan sartu barrura mamuak ikusi barik?

Erkules lkustaldi bat egitera joan jakon Atlas'eri eta esan eutson ia ekarri al izango ete ebazan Esperitarren ortuko urrezko sagarrak.

Baietz erantzun eutson, ekarriko ebazala Atlas'ek berak norbaitek zeru-sabaiari eutsi ezker. Erkules'ek erantzun eutson Atlas'eri, berak eutsiko eutsola zeruari Atlas'ek sagarrak ekarteko joan-etorria egiten eban artean. Orrelan egin eben.

Atlas gizandia sagarrakaz etorri zanean, ez eban artzen bere gaiñean zerua eta esan eutson Erkules'eri, bera joango zala Euristeo erregearengana sagarrak eroaten

Estu aurkitu zan Erkules eta estualditik urteteko zur jokatu bear izan eban: Atlas'eri esan eutson bizkarra minberatzen asita eukala eta bigungarri bat artzeko Atlas'ek berak eutsi ekiola zeruari. Artu eban Atlas'ek bere bizkar-gaiñean zerua eta Erkules sagarrak artuta Euristeo'rengana joan zan.

12N.LANA:LURPERA JOAN ETA ZERBERO TXAKURRA EKARRI

Lurpeko erreñuan Pluton'ek Zerbero txakurra eukan atezain. Txakur ori ekarteko agindu eutson Euristeo'k Erkules'eri.

Urreratu zan Erkules Pluton'engana eta garbi esan eutson zein zan egin bear eban lana.

Txakur ori artu eta eroateko baimena eskatu eutson.. Emon be egin eutson, baiña esku-utsean, ezelako tresna barik eroatekotan.

Jaon zan Erkules Zerbero txakurharengana eta atzamarrakaz samatik oratu eutson eta burrukan ibilli ziran. Erkules'ek nekatu-erazo eutson txakurrari eta besoetan ekarri eban Euristeo'ren aurrera. Euristeo'k naikoa zala esan eutson eta joan zan barriro Erkules txakurra besartean ebal., lurpera eta Pluton'eri emon eutson txakurra. Eta Pluton'ek sarrerea zaintzen ipiñi eban.

Orrelan bete ebazan Erkules'ek bere amabi lanak eta orregaitik gaur be esaten jako ekintza gatxen bat bete daunari:”Erkules'ek lako lanak egin dozak”.

OLAZAR'tar Martin'ek